



Хус тал арыман амат тулат

Курк тылац олаңмет хатлатан «Пацар юх» фольклорной коллектив емаң хатлэд постасэл. Хус тала йис, хоты лув Питлор куртан ханты арат арыты питсат.

«Пацар юх» емаң хатлэд постаты Катравош, Мужи, Лорвош па Пулдават элты мойң хотатат ёхтыдысат. Лорвош район утхот куца, депутатат па Питлор курт куца нэңан хошам мойлапса ясаңтан ястасайт, ишакты нэпекатан юкантсайт.

Хоты ши арыты группа тыйс, Нина Тимофеевна Конева (Тырлина) каматса ясаң ястас: «Елпи каш верты хотан Виктор Павлович Шестаков рупитас. Ши пора элты муң клубан актацты па арыты питсув. Арыты верлуд туты куца нэңлуд рут ясеңл па ханты йис пора верат шеңк яма уятсэл. Мет олаң куца нэңа Юлия Максарова (Серасхова) ус. Юхат Татьяна Нева ёхтас. Ин лув юканада ван кут Анастасия Филиппова рупитал.

Олаң сус арыты питмеван, арсыр арат арысув. Щалта Лидия Егоровна Нева ханшты арат арыты питсув. Лув шеңк ар катра пора ясаңат уятал. Ардал ханштын, ясаңдал волды тохи рахлат. Ши тумпийн луңтарат па потар шупат ханшты хоятлуд – Роман Ругин, Микуль Шульгин, Прокопий Салтыков ара понам луңтарат арылуд. Сергей Кондыгин елпи



Хор: Питлор утхот



ханты арат ханшас па баянан тусаңа нарасдыйс. Лув ардал ици нумман тайдаллуд па

арыллуд. Там йисан районэван хоятат па уллат, хойтат арат, луңтарат ханшты хошлат. Ши хоятлуд пидан иса уйтантылуд, потрэмилуд, лув ханшам ардал арыллуд.

Валентина Андреевна Шиянова (Куртямова) муң пидэван арымал порайн, як якты, монц монцты нэ́тапса верас. Якты вер хоца ёшкур тувман, холта педа карэматы мосал, иса муңев угалтасды. Ин мушан ёхтам ураңан, тухал ишан монцат муңев толмашал па нэпекана понал.

2005-мет тал элты куртэван, районэван па округеван улдыты

каш верты харатан, уйтантопсаятан ханты арат арыман, йис пора верат па монцат альман, куртаң мохилува па мойң хоятата амат тулуд. Югра мува тутдысаюв, Кев сыл хантэт хоца ар пуш яңхилдысув.

Маты курта ёхатлуд, иса давалдаюв, аматман па умацдыман хулантлаюв. Рут ясеңев, йис пора улапсаев шавиман, сама мосты ханты муви́ев ишакман, муйкем верытлуд, елды арыты питлуд. Хоят улты мувадан амат тул ки, улты верал па кен».

Муң па «Пацар Юх» арыты нэңлува мойлапса ясаң китлуд. Тумтака улдыты, ханты хоятлува холна ар хорам арат арыаты.

Зоя Куртямова ханшам потар

Путы щарс сыл сыстамтта яңхаты

Ямал мув нэңхэт Краснодарской край путы щарс сыл мув тут йиңк эвалт сыстамтта нятта вахлайт. Касаң нэңху ошл мала хорпи атам вер тунял ван хатлап 15-мет хатлна Керченской пролив хоца этас.

Кат вул танкер яха хайман ораңна, путы щарсна 4-5 тонна мазут хомпалас, ловатлна 400 кв.км. хуват щарс па щарс пан сылат атамми йисат. Краснодар-

ской край 54 км па 15 км Крым щарс сылат мув тут йиңкна няңхлалсайт.

Итта нэңхэт акатлайт, хой щарс пан сылат сыстамтта нятта веритл: нэман верам хыратна путы няңхлат акатта, щичкет люхытта. Щит сэңк щёкат, топ сэңк масл муң мувув ораңна.

Энамты нэңхэт пидна ропытты департамент коца Наиль Хайруллин лавты ясаңна, манты нэңхэт ай кер тылац 1-мет хатл эвалт

10-мет хатл маса щита олта питлат. Ёс тындал, тохац па парта, аса округ эвалт сохапталайт. Олты, дыты па ропытман тайты элсох, щит аса тухы ёхаттэд порайна, щилта лэщатлайт.

Касаң нэңху, хой мули 18-мет талалды йис па нятта дытл, там адрес хуват хансантта рахал: vk.cc/c134jD. Заявка курк тылац 10-мет хатл маса китта рахал.

Вера Лонгортова хансам потар



Хор: Эдуард Яунгад



Хор: Зоя Куртямова

Хон мув мир ёх касася

Рут ясат шавиты вер хоца нётапса верты «Опращув ясаң» фонд 2025-мет тал рут мир улапса туты хоттэлэт талда постасэл. Ши кеша, рут ясаңан потарты, ханты улапсаев шавиман елды туты хоятат, хон мувеван манты «Сердце семьи – душа народа» касасяя пилтацты верытлат.

Хоттэлата па атэл хоятата электронной щиран манты касасяя рупатайлаң китты мослат. Семьяйт лапат номинацияйн каслат. Атэл хоятат кеша па хорпи вет номинация лэцатса.

Курк тылащ худмет хатл элты ай кер тылащ лапатхощьяңмет хатл унты, рупата хорат па нёхты хорат лавадлайт. Хой муй арат лаңхала, ши арат китты верытал. Туп кашң рупата ураңан атэл заявка нэпек лэцатты па ох сохаптаты мосал. Касасяя мийм рупатайт олаң местаята ант ки этлат, китам охат ёхлы педа ищипа ант мадайт.

Тата, касасяя пилтацты ураңан, руц ясаңан ханшам нэпек понман ул: https://vk.com/yazik_predkov.

Оша пайтман яма луңталан. Щалга ведщи номас вераты, пилтацтыя касасяя муй па анта.

Зоя Куртямова ханшам потар

Стипендия шитты нэпекат китты рахал



Хор: Альбина Тырлина

Тал сессия яма мийм няврэмат, округ губернатор стипендия шитты ураңан, ялап тал тыдась нядьяң педа олаңмет хатл элты курк тыдась хольмаң педа нийлмет хатл унты нэпекат китты верытлат. Тал шуп сыс кашң тыдась яң сёрс солкувайн сохаптаты пилтайт.

Колледжатаң па вузатан уталтыты, аңкидал-асидал СВО хося улты округ няврэмат

па Волновахской округан уталтыты энамты ёх стипендия ох шитты верытлат.

Си тумпийн, округ ашкудайт мевал посата етшам няврэмат, хой ин вузатан «4» па «5» па туп «5» поса образование сирн, леккара па каш верты хоята худмет курсан уталтыйл, охат ёша паятты па верытлат.

Хой «5» поса средней профессиональной па высшой очной сира уталтыйл па научно-исследовательской,

интеллектуальной рупатаятан па па вератан касал. Яма уталтыты шоши мир ёх эвет па похат стипендияйн па мадайт.

Округ куся нётапса охат ёша паятты ураңан, МИР карточка реквизиат пилан, маты рупата педа энамты няврэм уталтыйл, си верат туты департамента лэсятам нэпекат китты мослат.

Альбина Тырлина ханшам потар

«ЯМОЛОД.стажировка» проект кимет пуш манал

Округ правительство «ЯМОЛОД.стажировка» проект кимет пуш манал. Си уйтантопса ветхосьяң рупитты энамты ёх па Казань, Брянск, Екатеринбург, Тюмень вошатаң па Башкортостан муван уталтыты округ энамты няврэмат Пулцават вошан актасьсат.

Стажировкая ёхтам хоятат ар направление хуват уталтаты пилтайт. Хоты лув проектат, хоятат, мир верат па ёш нэпекат туңмалды, СМИ, охат, информационной технологияйт па па верат пилан рупитты пилтат, альдайт. Кашң хоят пилан кусяйт па рупатаел яма уятты ёх пилал.

Си проект хуват уталтыты сыс охан сохапталайт, улты хотан мадайт. Уталтыты порайд хут тыдась унты манты верытал.



Хор: Андрей Ткачёв

Етшатэл юпийн, мет туспак няврэмат рупатая вулдайт.

Симась тахая олаң пуш ёхтыдыйм хоятат хулам тыдась уталтысат. Ветхосьяң хоят элты яртьяң энамты ёх округа арсыр департамента рупатая вусайт.

Альбина Тырлина ханшам потар

ОБЪЯВЛЕНИЕ

СЛУЖБА ПО КОНТРАКТУ В ВС РФ

ПОЛНАЯ ИНФОРМАЦИЯ ПО ТЕЛЕФОНУ **8(902)81-6-11-90**
ЗВОНОК ПО РОССИИ БЕСПЛАТНО

ВРЕМЯ ДЛЯ ВАЖНЫХ РЕШЕНИЙ!

КОНТРАКТНАЯ СЛУЖБА
6 200 000 Р
ЕДИНОВРЕМЕННАЯ ВЫПЛАТА
3 500 000 Р

ПРИ ЗАКЛЮЧЕНИИ КОНТРАКТА НА ЯМАЛЕ

ОБУЧЕНИЯ:

- ✓ ОПЕРАТОРОВ БЕСПИЛОТНЫХ ЛЕТАТЕЛЬНЫХ АППАРАТОВ
- ✓ ТАКТИЧЕСКАЯ БОЕВАЯ ПОДГОТОВКА
- ✓ МЕДИЦИНСКАЯ ПОДГОТОВКА

3 100 000 Р ЕДИНОВРЕМЕННО ОТ РЕГИОНА
ДО 120 000 Р СЕРТИФИКАТ НА РЕАБИЛИТАЦИЮ

400 000 Р МИНИСТЕРСТВО ОБОРОНЫ
ЗАКЛЮЧЕНИЕ ВОЕННОГО СОЦИАЛЬНОГО КОНТРАКТА

ЕЖЕМЕСЯЧНЫЕ ВЫПЛАТЫ ПРИ НАХОЖДЕНИИ В ЗОНЕ СВО

РЯДОВОЙ ОТ 210 Т.Р.
СЕРЖАНТ ОТ 232 Т.Р.
ПРАПОРЩИК ОТ 292 Т.Р.

Прибывающим с других регионов, возмещаются затраты на проезд от места проживания до г. Салехарда. В период оформления прописки в г. Салехарде бесплатно, 3-х разовое бесплатное питание!

Няврэмат пидан рупитты хоятат кассат

Дпатнацк вошан педагогической мастерство касапса манас. Округев хуват няврэмат пидан ашкудайн па садикан рупитты хоятат яха уйтанытсат. Нох питам ёх нэмдал астасайт.

Худам хатл със хольмац педа хут хоят вет номинацияйн касас. Хоты рупатаед тулэд па уятлэд, хоты няврэмат пидан рупитты хошдат, эталтыйм урокдалан алысат. Яма тыйты урокдал эталтысат.

Няврэмат уталтаты хоятат кутан худам хоят пирыса. Сит – Михаил Балацкий Пулцават вош элды. Лув хутмет ашкудайн няврэмата ин-



форматика урок мал. Алексей Харитонов, Муравленко вошан

ветмет ашкудайн физика предмет тул. Руслан Мамакин Но-

вый Уренгой худмет ашкудайн няврэмат русь ясна па литература уталтат.

Ай няврэмат пидан воспитателя рупитты хоятат кутан Анастасия Соловникова Пуровской район «Вурты рых» садик элды нох питас.

Товийн Арктической уталтаты форуман нох питам хоятат элды йи хоят пирыда. Хон мувеван манты касапсайн округев эталтыты питал. Нох питам хоятат округеван па хон мувеван верты уталтаты тахаята китдайт, уйтантопсаятан, касапсаятан касдат.

Альбина Тырлина ханшам потар

Яммалтыты нётапса вер

Хашам талан Ямал губернатор Дмитрий Артюхов партапса хуват СВО харан улты ёх па лув хоттэд мохилал урацан яммалтыты сертификат нэпекат лэщатсайт. Ялап талан округ элды, одац каматса хоттэд там нэпекат хуват яммалтыты тахаята янхсат.

Яммалтыты нэпек хуват лекар хота, муй па санатория янхты рахал. СВО ляль етшаты юпийн, там нэпек холна вет тал със юр тайты питал. Ляль харан улам хоят пидан ван рут хоятал яммалтыты па янхты верытал.

Нэпекан ханшам тынал сот ветьяц щёрас солкувая хойл. Кат хоятан мантыйн, тынал кат пуш унты энамал. Ловатадан щёрас молтас сертификат мийман ул. Худамсоткем хоят щутщаты янхас.

Ляль харан улам хоятат МФЦ, округ хоятата нётапса верат туты департамент сайт па

улты вошедан социальной защита хуват заявление ханшты верытлат.

«Там ванан, ёдан улдем порайн, леккаратан вантсайм па реабилитационной сертификат нэпек вуты партсайм. Яммалтыты таха Анапа вошан пирысув. Ийимем ищи ма пидэман янхас. Мушмалтымем урацан, утща янхты даварт. Щита леккаратан ялпа вантсайм па арсыр процедурайн ханшлтасайм. Ийимем ищи яммалтыты процедураята янхас.

Ляль харатан ар пелак хар тахайн улдув. Тухал ишн йицк па воцдах кутан олты, муй па омасты мосал. Тухал нёд эсалты пормасат ищи давартат. Йи таха элды кимет тахая талдыман, муш педа ант нумасдан. Хота нёдан ёхатдайн, щити вер патдам.

Там шецк ям нётапса. Ма нумастэман, округеван нётапса маты вер яма лэщатман ул»,



Хор: Юлия Чулинова

– ляль харан улам ху Иван Игнатов ястас.

СВО харан улам ёх па лув хоттэд мохилала тамхатл кеша хутьяцкем арсыр нётапса вер лэщатман ул. Кашц куртан па вошан лувилала нётты хотат пуншсайт. «Защитники Отечества» фонд рупитал.

Зоя Куртямова ханшам потар

Уталтыты урацан сохаптам охат ёхды вуты рахал

Округеван, уталтыты урацан сохаптам охат ёхды ёхтаптаты рахал. Си кеша курк тыдась одацмет хатл элды хасям хатл унты нэпекат китты мосдат.

Ямал муван колледжтан уталтыты ар няврэм тайты, военнослужащий хоттэдата лудтасты па СПО программа хуват уталтыты няврэмат, си охат вуты верытлат. Си тумпийн няврэмата, аңкилала-асилала, имилала-икилала, хой машинайн янхты урацан «В» категория уталтыйл, охдал па ёша паятлэд.

Уталтыты верат урацан сохаптаты охат холыена ёхды вуты рахал. Си хоятат тал със катсот сёрс солкува туп ёхтаптаты верытлат. Няврэмата очной сирн уталтыты па мосты порайн сессияйл маты мосал. Уталтыты етшаты юпийн, худам тал округеван рупитты.

Альбина Тырлина ханшам потар

Ялап нэпекат этлат

Ямал мувеван нэпекат ханшты хоятат ялап нэпекдал этлат. Курк тыдась одацмет хатл элды заявка-нэпекат китты рахал. Си кеша округев элды ох эсалда.

Овс мувев элды ханшты хоятат си нётапса охат щитты верытлат. Комиссияя доцам хоятат китам

рупатайт вантлат. Мет тусшак – пирыдайт па муй си кеша мосмитал: ханшам потардал нэпека туца сира лэсятты, элды тайты нэпекан па хорам хоран понты, нётдайт.

Там талан дпат нэпек эсалда. Ияха кат сёрс молтас экзemplяр. Яц тал със катсот педа

ярсот ханшты хоят рупатайдал китыдыйс.

Щёхар тыдась одацмет хатл унты заявка-нэпекат электронной почтая dvp@yanao.ru китты мосал. Там пуш нох питам хоятат нэпекдал папуш эсалдайт.

Альбина Тырлина ханшам потар



Хор: Альбина Тырлина



Хор: Владимир Енов

Хор: yugmash.ru

Поэт ху пилдн уйтантысам

руц ясаңан ханшлам. Ащем, ванта, щик-куш саран ики па аңкем руц имия ус. Щи ураңан рут мирэм ясаңан ант па хошдам. Щимащ верэм онтасн саран муvemн улты поэтат пилдн ма нэман кашң пуш руц ясаңа рупатайдал шеңк умща па туңа щира толмащталдам. Щи поэта питам нэңат кутатн там хатадн иса улдат:

Елена Афанасьева, Алёна Шомысова, Любовь Ануфриева,

мет профтехучилищайн ма ай ёхат руц ясаңа па литературауя уталтатыя питсам. Щи училищамн па, ванта, газоэлектросварщика, штукатур-маляр щирата похат па эвет уталтысат. Шеңк хув щи тахаемн ант па рупитсам. Еша уд па рупата манэма моцатсам. Щиты Воркута вошаң «Дворец пионеров» хоша ашкудая яңхтыя няврэмат пилдн рупиттыя питщасам. Юхат, 2000-мет талат ёхтама пораятн, ма иса Воркутинской филиал университетн Российской академия образованияйн ялап рупата моцатсам. Уталтыты похата-эвета арсыр хорамаң луңтапсайт лэщатсам па щи тахаемн куща лаңкар ху щирн рупитсам.

Щи порайн па мет олаң стихлам «Молодёжь Севера» нэмпн журна-нала вусайт па щита ханшсайт. Ма нумастэмн, шеңк яма па туңа щира ханшам луңтарлам ищипа юхатшак «Север» нэм тайты журналн Петрозаводск вошн Карелия муvн 1993-мет талдн велдци эсалтсайт.

– Муйсыр верат ураңан наң луңтарлан хоша улты-холты хуватн ханшлан?

– Ма щирэмн, ма стихлам хоша иса муң улапсаев верат эдты ар щирн шеңк туса па хорамаңа ханшлуд, лудан арсыр хоятатн ат луңатсаюв па мосман иса елды пела ат тайсаюв. Муй ураңан муң там нови туром илпийн ин улдув па муй кашң ялпа ёхатты хатлатн верлуд, лудан муңева па хоятата кеншак ат ус. Щи вер ураңан ма наңена «Уступай дорогу дуракам» стихэм луңатлэм:

– Андрей Гельевич, ин Финно-угорской мир писателят уйтантопсая Коми муv эдты муй арат хатнэху там пуш ёхтас па муйсыр онтас нынана тамащ волаң мирхотат тулат, лый киникайт ханшты ёхлава мослат муй анта?

– Ма тамхатл шеңк ар пуш щи вер эдты хоятатн иньщасайм. Коми муv киникайт ханштыя ёх эдты Финно-угорской мир писателят уйтантопсая там пуш хут хоят ёхтас. Ма

Ай тахайт потты тыдащ 29-мет хатл вуш эдты па Ас потты тыдащ олаңмет хатлат вуш унты Югра муv округевн улты вошат доватн Россия хон пелак финно-угорской муvтэд мир писателят мирхот манас.

Ай тахайт потты тыдащ 30-мет хатадн Ёмвошн «Югра - Классик» нэмпн якты-арыты хотн ияха актащам финно-угорской мир писателят куща ёх мирхот версат. Щита литература верат олаңан айкелат тусат па потарсат, муй ураңан там ёхи хащам талатн арсыр киникайт яма ханштыя мосл па муйсыр онтас лый финно-угорской миратн улты ад хоятата елды тутыя па верытлат.

Там мирхот кушя нэман луңтарат ханшты ху Андрей Попов пайтса, ванта, лув Коми муваң Союз писателей хоша кушя уд па рупитл. Шеңк туса па умща лув ияха актащам хоятат елпийн арсыр хорасаң айкелат тус. Юхат, мирхот манам юпийн, ма лув пилдлн уйтантысам па ямкем хув потрэмасман.

– Андрей Гельевич, наң элтаен матты айкел тамхатл муңева яста?

– Ма арсыр луңтарат иса



Хор: livejournal.com

Алёна Ельцова па Нина Обрезкова. Щи нэңлуд тумпийн, па ёх ищиты пора-порайн ма хошаема луңтарлад туңматтыя ёхтыдылат.

– Мата тахайн сэма питсан, энамсан, муйсыр вошн елды усан па уталтысан?

– Ма Воркута вошн сэма питсам, айтэлн щита энамсам па ашкудая яңхсам.

Щиканща кутоп ашкудая етшам юпийн, елды Сыктывкар вошаң государственной университетн няврэмат руц ясаңа па литературауя уталтатыя ху щирн айлта уталтысам па 1982-мет талдн щи тахаем ямсыева етшпатасэм. Щалта па ёхи Воркута вошема ёхатсам. Мет олаңан 31-

– Андрей Гельевич, хун па наң луңтарат ханшты номасн ёхатсайн па сыр-сыр киникайт хоятат луңатты ураңан эсалтыя питсан?

– Луңтарат ма холна кутоп ашкудаемн уталтымем порайн ханшсам. Туп щи талатн нэмомдты тахайн киникайт лэщатты ант па нумассам. Юхатшак, ванта, хун университетн уталтысам, велдци ошаңа йисам па номасн ёхатсайм, хоты киникайт манэма елды луңтарлам ураңан вертыя мосал.

– Не смотри на встречных
свысока.
Никого не задевай.
Не трогай.
Уступай дорогу дуракам,
Пусть они идут своей
дорогой.

Пусть шагают до любой
звезды.
Хоть куда. Окажется в
итоге,
Как и прежде, только
две беды –
Это дураки и их дороги.

щирэмн, писателят ураңан тамаш ун мирхотат шеңк мослат. Тата, ванта, муң нэпекат ханшты ёхатнэңат пида ияха уйтантылуд, арсыр номсат туса верлуд. Щи вер ураңан елды муңева киникайт ханшты кеншак!

Владимир Енов ханшам потар

Белояр нэңхэт йидап хат педа касалдат

Приуральской район Белояр похал нэңхэт карра юх хатлал эвалт йидап хат педа касалдат. Щита, Йидап нэмпи васхулина йи холам йитпи хат верса.

Ловатлна 43 хаттэл масайт. Касаң хат мули ремонт пидна ол, хатхоңнал па ямас лэщатса, нявремат ентты хар, доңа па ола.

Йидап хатна мийм нэңхэт кутна – ар нявремаң Шестаковат хаттэл, щита нил няврем энмал, кат йик па кат эви.

«Ты касалтэв алаңна муң карра, дыйм юх хатна осу, пощты хату каман ос, йиңк маты турпайт ант тайсу. Итта хоты вул, нави па дыщкам хатна масаю. Нявремат ораңна мет вул комната лэщатлу», – Ольга Шестакова лавас.



Хор: Леонид Климов

Итта Белояр похална холна холам ар йитпи хат верда, щита 81 квартира олта пилтл Октябрьской па Заполярной васхули хуват. Заполярной васхули хуват верты хатна шоши мир

нэңхэт мадайт па хой аварийной хатна ол.

Щи томпына Охсар похална ищи нил хат верда, ловатлна 194 хаттэл йидап хатна лоңал.

Нявремат пидна ропытта онталайт

Ямал Ашкода вожатых хоңа регистрация пунсса. Мет ям выпускникат нявремат лагерьа тотлиман яңхта пилтат па вожатый ропата верта. Щита онттыды ораңна ох сохаштата ант маста пилт, лув очной щирна Пулдаватна, Надым, Тарко-Сале, Губкинской, Муравленко па Ноябрьск, щи томпына ямальской студентат онттыды васатна: Тюмень, Москва па Хон-Петра васатна онттада пилтдайт.

Ловатлна кат тылащ сус онталайт, щита ар пелак практической ропата верта пилтат, эталайт хоты ар няврем пидна ропытта масл, щи томпына онлайн-лекцияйт па олта пилтат. Ямал мув эвалт щита энамты нэңхэт хутхощъёң тал эвалт веритлат онттыда. Вул тахайтна онттыды студентат па нийлхощён талдал олта маслат. Щи Школа



Хор: Ямал мув Школа вожатых

хоңа пилтты ораңна заявка китта масл.

Лувидал онттада «Содружество вожатых Ямала» нэңхэт пилтат – хой мет вул опыт тайл па нявремат онттады каман сот касты хара нох пилтыдыс.

«Щи онттады таха хоңа теоре-

тической па практической направление лоңас: ентапсэт лэщатта хаста, нявремат вантапсэт вантта тотлита, мет волаң щит безопасность, нявремат кутлална ямас олта онттада», – АНО «Содружество вожатых Ямала» хоңа Максим Артемов лавас.

Йидап йиты тал педа заявка мата рахал

Ямал мув пенсина олты нэңхэт ораңна лечитантыта манты ораңна 2026-мет тал педа заявка маты пора пунсса. Щита веритлат ант ропытты пенсина олты нэңхэт – яхат 60-мет тал, ныңат 55-мет тал эвалт. Ай тахайт потты тылащ 1-мет хатл маса заявка мата масл.

Заявление «Госуслуги» портал, МФЦ па Хон мув Почта хуват китта рахал.

«Вул пелак нэңхэт ораңна санаторно-курортной лечитты пора тумтак олапсы хоңа сэңк ямас хайл. Щитна муң хоңев щимащ мера сэңк ямас ропытл: туңял 1757 пуращ нэңху лечиттас. Ар пелак, мета маса нэңху щимащ санаторий пирылат, хата оздоровительной процедура ар», – Ямал мув социальной защита департамент коңа ның Оксана Медынская лавас.

Туңял эвалт Ямал мув губернатор Дмитрий Артюхов партам щирна щимащ нятапсы ясна пайтта конны верса. Итта кат тал сус ипус яңхта рахал, ат сус маты ох нятапсы – 1 960 солдува эвалт 2 800 солдува маса элатса. Ловатлна 21 хатл щутцала, щитна аратэдна ох нятапсы 58 800 солдува олта пилт.

Вул пелак нэңхэт томпына, щимащ электронной сертификат холна инвалидат, Волаң Ляльна лялесам нэңхэт, ляль порайна ропытам па па мета маса льгота тайты нэңхэт вута веритлат.



Хор: Андрей Ткачев

ПОДВИГ ВАШ БЕССМЕРТЕН!

Исполнительные органы государственной власти Ямало-Ненецкого автономного округа



Хор: Вера Лонгортова

Руц ясаңна олта масл

Ямал мув нэңхэт касаң тал манты Всероссийской литературной касты хара «Герои Великой Победы» вахлайт. Щи ораңна тамащ ропатайт китта масл: литературной потар, очерк, луңтар, хансам хор, хор, ар, йис па ляль пуцци хансам потар.

Хансты ропата руц ясаңна олта масл па Ас нопатты 1-мет хатл маса электронной

щирна Заявка верман там адрес хуват китта: gvp2017@mail.ru

Щи заявка тата вута рахал: <https://героивеликойпобеды.рф/>. Щита нявремат па вул нэңхэт каста веритлат, тал педа вантта ант пилта.

Там касты хар Волаң Ляльна парам, итта лялесты ях нэмат – нэңхэт самна па олапсына хыщты ораңна верла.

Сам дыпи эвалт манты ясаңдал



Хор: Людмила Гурьева

Унт

Тата вотыт уңхын авдыт,
Ма елпемын тови унт,
Вантлом сиел, юхыт уныт,
Еша хась дыв паңа хойдыт.
Кутсюм эпыл кушин ясьдом,
Дойд нохыр юх волды ун мылпы,
Сумыт юх педа сикем вантлом,
Эвийн лойл, лыпыт йи росы.
Тамись унт наң ант па уйтдын,
Сикем вантдам, куш энапсам
унтын,
Каркам ханты ёш шоши вантадын,
Сит мады, ёхыет, муң
хотдав дойдыт.

Кураң вой

Пасты курпи кураң вой
Ал ши наврыдыйл.
Кен ёшпи ёшаң вой
Ал ши нёхамтыйл.
Машья юхпи ёхан унтан
Ал ши вуцумтыйл.
Войд пида, ванта, утан
Ал тума омсийл.
Дув шавийл шеңк ун тащ,
Там ампием волаң мац.
Курад хоңа хорам ол,
Нёхамта, нёхамта, сора Понь.
Навра, навра, хорам Понь.
Вотам тушпи пирац ястас,
Амп нядмие – сот мир ясаңат.

Юш

Юхат, лыпшат кутн,
Ханты ёх ай куртан,

Микуль Шульгин курк тылац алаңмет хатлна 85-мет тадалды йис лолан. Дув ханты мир поэт. Касң ясаңал хоңа – вул ропата, ар ёр понман ол. Касң ясңийи хоңа муң исаңдтэв тадаң мир этл. Тата «ясаң элты ермат па номас ораңна дыщкам», Микуль Иванович хасл.

Микуль Иванович мет алаң хансам потрат окружной газета «Ленин пант хуват» 1960-мет тална этсат. Дув хансам нэпекдал, дув номасдал, щит муң мувув па мув хорас миям ёр. Дув нэңху дыпи эттал, сам дыпи эвалт манты ясаңдал.

Вотаң, ицки талдан
Сэма ма ши питсам.
Па няврэмат щиран
Энапсам па ёнтсам,
Алаң хуцаң порайн
Торна кераптысам.
Ертн ма лёхитысам,
Вотн муңхасысам,
Ёшн ма ши довалсам,
Юшн хухатдысам.
Турэм кимлы манал,
Этар хара вордал,
Мосаң, ши юшеман
Ин па ши ма мандам.

Ивдель-Ас

Вот сикем марыйл,
Лонсь рав пальсема пудыйл.
Си кутын тата ляль,

Карты нови воль.
Карта унт педа мандыт,
Ялып сыр машинайт,
Муй мосыл иса тата ул,
Ходыя юш верты йидат.
Дыв элтэд нох этад хоят,
Ёш восемал, мохты манат
Елды педа сита Ас Шпалы
Дувел мосл шеңк ям пормас.
Сух шанши ун Кевн, ёшдын
яха катылдытын.
Иськи яха эвалт нох питман.
Мет ям улапса Овса йил,
Мет ям куртыт, вошиет тыйдат
Арэм сора ат па манал,
Си юш верты сора нётал.

Аңки

Аңки, найием,
Мосты аңкием.
Ям потрэм ястадэм.
Ям арэм арыдэм.
Волды ёшиедан
Яңхлат рапиеман
Ёнтастэд курамн,
Верантэд порайн.
Манэм ши нёхалсат,
Манэм ши энмалсат.
Вот куш полдияс,
Доньц куш питас,
Хун воршатн
Щуциен шависайн,
Мирэва нётсан.
Аңки атам ки ус,
Век улты питдан
Няврэмат веншан.



Хор: Вера Лонгортова



Хор: Зоя Куртямова

Нял опи

нат шоппи вуншас, нюрматан сами лотат хуват руңкас, сэр унтат хуват шушас, кев вурата нох хуңхилдыс, торнаң пайды мувата ид охлыдыс ант па

кератлалды. Ошаң, номсаң ясаң пидан удапса туңматты рахал.

Ин китам похиев ошаң тумпийн, уңдаң-нялмаң ус. Потар холта педа мосал кератты, вер уйтас.

Каркам похиева мет олңа ун опед пидан уйтантас. Ун имед ши порайн нэм холна ант тайл. Опидал кутан лув мет пирац ус. Венш сохал мормаң, шах нови, кады лэр ант тайл. Пох ястаты ясаң ант худантад, ицки руван ладал. Похиев еңка поталтаты вутцилды.

– Манэм худантты-са, – уңдаң похиев ястал, – наң опидан кутан мет ун, щиты ки наң мет ошаң ими, наң ястаты ясена апшидан худантлат!

Пирац мукарэң имия тамац яснат сама рахсат, еша роммийс па худантад. Похиев потрал елды тул.

– Тал пуншты юша, мет олңа наң доя. Ялап тал ёхаттыйн, каман ицки ат питад, ёханат еңка потлайт, мув донщан лап лаңки, вотасан юшат лап ат портадайт. Муван улты хоятат ёшлад-курлад ат потлайт.

– Муң па, хоятат, хошмалтыты ураңан, йи тахайн дойты хун питгдув, рупитгдув. Донщ хирлув, юшлув сыстапталдув, юх сэварлув па хотлуван кур алдув.

Наң па, новия вотам охсохаң имие нэмен Тал ат питад. Щиты наңен нэматты питлэв.

Тарам ицкең ими мийм нэмада кашащас. Мет такан потам лалан ладмас па ялап тал питщаты юша, олңа тохи доймтас. Ин там унты, ёращман, щиты ши олңа дойл.

Ин похиев, Тал юпийн кимет опед кашалас. Тами, айлат няхмаң эвие, няхал тови соймад иты хува щашал. Восты ермак охсохлад лакки эсадман, щиты ши хар таха хуват хухатдыйл. Лув педайл вантман, матты ки каман новия па мелка йис. Похиев ёшлад хошапсат, венш пуңаллад вуртыя йисат.

Туп восты охсохаң эвие ясаң ант худантман, щиты ши хухатдыйл. Холта пурмал, кур илпедан восты ванши этад, лыплат лакки дарпидалат.

(Елды па ул)

Зоя Куртямова толмащсалды

Няврэмиед яма опсаты па худантаты, муң нынан монц монцдув. Потар тулув, хоты елпи тал-луң нял опи усат. Ин хоты кашц хоят уятад, ялап тал ёхаттыйн, мет олңа тал, щалта тови, лув юпедан луң ёхатал, мет ёлта сус. Муя па щиты тыйс? Амуй щиран нял опи лув кутедан ястантсат?

Мет олңа, кашц опи лув лаңхаты щиралан ус. Хун номасан ёхатла, ши порайн мува ёхатал. Щит ураңан хоятат шеңк шукащман усат. Турам педа вантман, иса падсат. Тамхатл хошам, хадэват па донща йид, луң кутапан вотас хатл ёхатал. Нэмолты лэвпас энмалты, вонщапса акатты ант верытсат.

Тораса йис хоятата щиты улты. Номас понтсат, мет ошаң хоятэл ещалт ясаң пидан тал-луң опет хоща китты, партапса верты. Ясаң худантман туңа-щира ат улдат. Тал юш хуват манман, олңа ант ат навартлат.

Китам хоятэл хорасаң айлат ху улмал. Хув пора хащам юпийн, нэмад ант нумла. Я, лув кашл. Айлат ху мир хоят удапсаед кентатты ураңан, манас тал-луң опет хотэл



Хор: culture.ru

каншты. Маты мув сыд олаңан, мосаң па тураман улдат, хой вантас.

Хув манас, ван манас. Вутаң ёха-

щутцилдыс. Шах метас, ветьяң сопек паты холас, сот ернас маншас. Имомтыйн каншам хотад уйтсалды. Нял опи улты хотад уйтсалды. Ши порайн хотан улты нэңлад ясаң ант худантман ульняя улдат, нэм ант тайлат.

Няврэмиед, нын хоты ал па уятлаты, хоят ванта ям вер тайл, потартты па нумасты хошад. Туңа-щира ястам ясаң тадаң мир удапса па щиран

Ханты ёх хоятлүв тайты антапкедат

Кашң ёх хоят ай пора элты антапкед тайл. Катра порайн ёх хоятат мосты пормаслад туса верты хошсат. Там йис, ай кеман си верат ёрэматы питсайт.

Ин ар пелак русь сохан яңхлат, антапкедат, сотпат муй ураңан мослат. Туп вулы тащ хотан яңхты, няврэмием па ёх хоятлүв емаң хатлатан хорам мольсяңдал па ернаслад туса верам антапкедатан ярамтыдэл. Вой велты, худ велпаслаты хоятлүв па антапкелды ант яңхлат.

Ханты хоятэв антапкед ки ант тайл – ёшлы матты-ки. Кешед иса мосмитад. Молты нёхрэматы, эватматы мосад. Антапкелды яңхты сир антом.

Там лопасан ханты хоятлүв верам рупатайт этадтыдлүв. Си антапкедат па сотпат педа вантман, мохты ныда, туса верам пормасат. Вантаты па умасьдыяты. Йис пора элты хайм верэв елды тувалан.

Альбина Тырлина ханшам потар



Хор: Альбина Тырлина

Газета «ЛУХ АВТ»

Адрес редакции:
629003, ЯНАО,
г.Салехард,
мкр. Богдана Кнунянца,
д.1, каб. 106
(34922) 4-68-63

E-mail:
luh.avt@yamal-media.ru

Учредитель

Департамент внутренней политики
Ямало-Ненецкого автономного округа
(629008, ЯНАО, г.Салехард, пр-кт Молодёжи,
д.9, каб.708)

Газета зарегистрирована
Управлением федеральной службы по надзору
в сфере связи, информационных технологий
и массовых коммуникаций по Тюменской
области, ХМАО-Югре и ЯНАО
19 апреля 2012 года
Регистрационный ПИ № ТУ72-00558

Тираж 1300 Заказ 0089

Подписные индексы:
на год – ПА700, на полугодие – ПР561

№ 6 (1257)

Газета вышла в свет 8 февраля 2025г.
Подписано в печать 6 февраля 2025г.
по графику: 16.00
фактически: 16.00

Газета выходит по субботам

Цена годовой подписки 88 руб.,
в розницу не распространяется

Издатель

Департамент внутренней политики ЯНАО
(629008, ЯНАО, г.Салехард,
пр-кт Молодёжи, д. 9, каб.708)

Отпечатано в АНО «Ямал-Медиа»
Юридический адрес: 629003, Ямало-
Ненецкий автономный округ, г. Салехард,
мкр. Богдана Кнунянца, д.1, каб. 106

Фактический адрес: 629007, Ямало-
Ненецкий автономный округ, г. Салехард,
ул. Чубынина, 39А

Генеральный

директор
АНО «Ямал-Медиа»
Зулинова
Марья Андреевна

И.о. главного редактора
Куртямова
Зоя
Николаевна